

聚學軒叢書

竹書紀年卷上

聚學軒叢書第三集

甘泉張宗泰校補

貴池劉世珩校刊

黃帝軒轅氏

按杜預春秋左傳集解後序謂紀年篇起自夏殷周晉書束皙傳亦云紀史記左篇

記夏以來惟史魏世家注引荀勗曰和嶠云紀年起自黃帝終於魏之今王今本紀年自黃帝始雖與杜束二說異而稽之史注不爲無本特沈約本傳不云曾注是書而考下提行母曰附寶云云皆宋書符瑞志文則剽竊偽託之跡顯然今凡與志同者概刪之以省煩文而存其稍異者于篇

元年帝卽位居有熊初制冕服

二十年景雲見以雲紀官

五十年秋七月庚申鳳鳥至帝祭于洛水

五十九年貫胸氏來賓長股氏來賓

七十七年昌意降居若水產帝乾荒

一
百年地裂帝陟

沈約曰按帝摯少昊氏母曰女節見星如虹下流華渚既而夢接意感生少昊登帝位有鳳皇之瑞或曰名清不居帝位帥鳥師居西方以鳥紀官按此條惟餘尚非襲舊故存之

帝顓頊高陽氏

元年帝卽位居濮

十三年初作律象

二十一年作承雲之樂

三十年帝產伯鯀是爲若陽居天穆之陽今本無是爲若陽四字據

山海經大荒

西經注補

七十八年帝陟術器作亂辛侯滅之

帝嚳高辛氏

元年帝卽位居亳

十六年帝使重帥師滅有鄩

四十五年帝錫唐侯命

六十三年帝陟

帝子摯立九年而廢

帝堯陶唐氏

元年丙子帝卽位居冀命羲和厯象

五年初巡狩四岳

七年有麟

十二年初治兵

十六年渠搜氏來賓

十九年命共工治河

二十九年春雋僥氏來朝貢沒羽

四十二年景星見于翼

五十年帝游于首山乘素車元駒

五十三年帝祭于洛

五十八年帝使后稷放帝子朱于丹水

六十一年命崇伯鯀治河

六十九年黜崇伯鯀

七十年春正月帝使四岳錫虞舜命

七十一年帝命二女嬪于舜

七十三年春正月舜受終于文祖

七十四年虞舜初巡狩四岳

七十五年司空禹治河

七十六年司空伐曹魏之戎克之

八十六年司空八觀費用元圭

八十七年初建十有二州

八十九年作游宮于陶

九十年帝游居于陶

九十七年司空巡十有二州

一百年帝陟于陶

帝子丹朱避舜于房陵舜讓不克朱遂封于房爲虞

賓三年舜卽天子之位

按史五帝本紀正義引括地志云故堯城在濮州鄆城縣

東北十五里竹書云昔堯德衰爲舜所囚也又有偃朱故城在縣西北十五里竹書云舜囚堯復偃塞丹朱使不與父相見與此異當由綴集紀年者以所引爲誣聖故棄而不錄而依傍孟子史記別爲此文今始仍原本特附錄史注以俟考焉

帝舜有虞氏

元年己未帝卽位居冀作大韶之樂

三年命咎陶作刑

九年西王母來朝

十四年卿雲見命禹代虞事

十五年帝命夏后有事于太室

十七年春二月入學初用萬

二十五年息慎氏來朝貢弓矢

二十九年帝命子義鈞封于商

三十年葬后盲于渭

三十二年帝命夏后總師遂陟方岳

三十三年春正月夏后受命于神宗遂復九州

三十五年帝命夏后征有苗有苗氏來朝

四十二年元都氏來朝貢寶玉

四十七年冬隕霜不殺草木

四十九年帝居于鳴條

五十年帝陟

近本此下提行有義鈞封于商是謂商均后盲娥皇也鳴條有蒼梧之山帝崩遂葬

焉今海州按海州置于東魏據此則二十九字不惟非
竹書本文即沈注亦不得有也故刪之而附錄其文以
考侯

帝禹夏后氏

元年壬子帝卽位居冀頒夏時于邦國

二年咎陶薨

五年巡狩會諸侯于塗山

八年春會諸侯于會稽殺防風氏夏六月雨金于夏邑

秋八月帝陟于會稽禹立四十五年

近本此下提行有禹薦益于天七年

禹崩三年喪畢天下歸啟按東哲傳謂紀年蓋魏國之
史書大略與春秋皆多相應其中經傳大異則云夏年
多殷益于啟位啟殺之太甲殺伊尹文丁殺季歷自周
受命至穆王百年非穆王壽百歲也幽王既亡有其伯
和者攝行天子事非二相共和也據此則紀年必無薦
益於天之事矣而下所記益出就國及益薨亦與于位

見殺不同則爲依傍孟子史記成文益可見矣故
特附錄晉書而刪薦益之文又按晉書幽當爲厲
帝啟

元年癸亥帝卽位于夏邑大饗諸侯于鈞臺諸侯從帝
歸于冀都大饗諸侯于增臺

二年費侯伯益出就國王師師伐有扈大戰于甘

六年伯益薨祠之

八年帝使孟涂如巴涖訟

十年帝巡狩舞九韶于大穆之野

十一年放王季子武觀于西河

五年武觀以西河叛彭伯壽帥師征西河武觀來歸

十八年陟

路史後紀注引作二十
九年九十八疑此誤

帝太康

元年癸未帝卽位居斟鄩敗于洛表羿入居斟鄩

四年陟

帝仲康

元年己丑帝卽位居斟鄩

五年秋九月庚戌朔日有食之命允侯帥師征羲和

六年錫昆吾命作伯

七年陟世子相出居商丘依邳侯一作依同姓諸侯斟

灌斟鄩

此近本旁注未知何人所考

帝相

元年戊戌帝卽位居商征淮夷

二年征風及黃夷

七年于夷來賓

八年寒浞殺羿使其子澆居過

九年相居于斟灌

十五年商侯相土作乘馬遂遷于商丘

二十年寒浞滅戈

二十六年寒浞使其子澆帥師滅斟灌

二十七年澆伐斟鄩大戰于澨覆其舟滅之

二十八年寒浞使其子澆弑帝后緡歸于有仍伯靡出
奔鬲

斟灌之墟是爲帝后緡方娠逃出自竇歸于有仍

伯靡奔有鬲氏

夏世子少康生丙寅年

少康自有仍奔虞乙酉年

伯靡自鬲帥斟鄩斟灌之師以伐浞世子少康使女艾
伐過殺澆甲辰年伯子杼帥師滅戈

伯靡殺寒浞少康自綸歸于夏邑乙巳年

明年后緡生少康既長爲仍牧正基澆能戒之澆使
椒求之將至仍少康逃奔有虞爲之庖正以除其害
虞思于是妻之以二姚而邑諸綸有田一成有眾一
旅能布其德而兆其謀以收夏眾撫其官職夏之遺
臣伯靡自有鬲氏收二斟之燼以伐浞浞恃澆皆康

娛日忘其惡而不爲備少康使汝艾謀澆初浞娶純
狐氏有子早死其婦曰女歧寡居澆強圍往至其戶
陽有所求女歧爲之縫裳共舍而宿汝艾夜使人襲
斷其首乃女歧也澆旣多力又善走艾乃田獵放犬
逐獸因噉澆顛隕乃斬澆以歸于少康于是夏眾滅
浞奉少康歸于夏邑諸侯始聞之立爲天子祀夏配
天不失舊物

帝少康

元年丙午帝卽位諸侯來朝賓虞公

二年方夷來賓

三年復田稷

后稷之後不密失官至是而復

十一年使商侯冥治河

十八年遷于原

二十一年陟

帝杼

元年乙巳帝卽位居原

五年自原遷于老丘

八年征于東海及三壽得一狐九尾

十三年商侯冥死于河

十七年陟

杼或作帝予一曰伯杼杼能帥禹者也故夏后氏報

焉

帝芬

元年戊子帝卽位

三年九夷來御

十六年洛伯用與河伯馮夷鬪

三十三年封昆吾氏子于有蘇

三十六年作園土

四十四年陟

芬或曰芬發

帝芒

元年壬申帝卽位以元珪賓于河

十三年冬狩于海獲大魚

三十三年商侯遷于殷

五十八年陟

芒或曰帝荒

帝泄

元年辛未帝卽位

十二年殷侯子亥賓于有易有易殺而放之

十六年殷侯微以河伯之師伐有易殺其君縣臣

殷侯子亥賓于有易而淫焉有易之君縣臣殺而放之故殷上甲微假師于河伯以伐有易滅之遂殺其君縣臣中葉衰而上甲微復興故殷人報焉